

## TAFLEN BENDERFYNIAD AELOD UNIGOL O GABINET CYNGOR GWYNEDD

<b>DYDDIAD Y PENDERFYNIAD</b>	14 Mawrth 2019
<b>DYDDIAD CYHOEDDI'R PENDERFYNIAD</b>	15 Mawrth 2019
<b>DYDDIAD Y BYDD Y PENDERFYNIAD YN DOD I RYM</b> ac y gweithredir arno, oni bai bo'r penderfyniad yn cael ei alw i mewn yn unol ag adran 7.25.1 o Gyfansoddiad Cyngor Gwynedd.	22 Mawrth 2019

---

### ENW A THEITL YR AELOD CABINET

Y Cyngorydd Gareth Thomas, Aelod Cabinet dros Addysg

---

**PWNC:** Diweddarau polisi cludiant ôl-16 a fyddai'n ymestyn yr oed i rai dros 19 oed gael mynediad at gludiant i ddysgwyr ôl-16 oed sy'n derbyn addysg neu hyfforddiant ac sydd â chartref arferol o fewn ardal yr awdurdod.

---

### PENDERFYNIAD –

Mabwysiadu 'Polisi Cludiant ôl -16 oed — Medi 2019' (gweler Atodiad 1) i ymestyn yr oed i rai dros 19 oed gael mynediad at gludiant i ddysgwyr ôl -16 oed sy'n derbyn addysg neu hyfforddiant ac sydd â chartref arferol o fewn ardal yr awdurdod.

---

### RHESWM DROS YR ANGEN AM Y PENDERFYNIAD –

Gweler yr adroddiad swyddog atodedig

---

### DATGANIADAU O FUDDIANT PERSONOL AC UNRHYW OLLYNGIADAU PERTHNASOL A GANIATWYD GAN Y PWYLLGOR SAFONAU

---

### UNRHYW YMGYNGHORIADAU A GYNHALIWYD CYN GWNEUD Y PENDERFYNIAD-


Ymgynghorwyd â –  
Swyddogion Statudol Cyngor Gwynedd

---

Adroddir ar ganlyniadau'r ymgynghoriadau yn yr adroddiad atodedig

---

**TAFLEN BENDERFYNIAD AELOD UNIGOL O GABINET CYNGOR GWYNEDD –  
ADRODDIAD SWYDDOG**

Enw a theitl yr Aelod/au Cabinet:	Y Cynghorydd Gareth Thomas Aelod Cabinet Addysg
Enw a theitl Awdur yr Adroddiad:	Owen Owens Uwch Reolwr Gwasanaethau Adnoddau Addysg
Dyddiad y Cymerwyd y Penderfyniad:	14 / 3 / 19
Llofnod yr Aelod/au Cabinet:	

**Pwnc :** Diweddarau polisi cludiant ôl-16 a fyddai'n ymestyn yr oed i rai dros 19 oed gael mynediad at gludiant i ddysgwyr ôl-16 oed sy'n derbyn addysg neu hyfforddiant ac sydd â chartref arferol o fewn ardal yr awdurdod.

**Argymhelliad ar gyfer y Penderfyniad :** Mabwysiadu 'Polisi Cludiant ôl-16 oed – Medi 2019' (gweler Atodiad 1) i ymestyn yr oed i rai dros 19 oed gael mynediad at gludiant i ddysgwyr ôl-16 oed sy'n derbyn addysg neu hyfforddiant ac sydd â chartref arferol o fewn ardal yr awdurdod.

**Rheswm dros yr angen am y Penderfyniad :** Yn y polisi cyfredol mae cyfyngiad o 19 oed lle y darperir cludiant i ddysgwyr ôl-16 oed. Mae gofyn wedi bod i ddiddymu'r cyfyngiad oed a fyddai yn agor y rhwydwaith i unrhyw ddysgwr ôl-16 oed gael mynediad at gludiant y rhwydwaith ôl -16 oed presennol.

**Rhesymeg a chyfiawnhad dros gyrraedd y Penderfyniad :** Mae'r newid a gyflwynir yn welliant i'r gwasanaeth a gynigir i ddysgwyr ôl-16 oed ac yn mynd ymhellach na'r hyn a ofynnir yn y Mesur Teithio gan Ddysgwyr (Cymru) 2008.

Drwy ymestyn yr oed, bydd cyfle i'r Cyngor gynyddu incwm o werthu tocynnau teithio ôl-16 oed.

**Cofnod o unrhyw fuddiant a ddatganwyd gan unrhyw Aelod Cabinet yr ymgynghorwyd â hwy ac unrhyw oddefeb gan Bwyllgor Safonau : Dim**

**Unrhyw ymgynghoriadau a gynhaliwyd cyn gwneud y Penderfyniad :**

Prif Swyddog Cyllid – “Deallaf mai nifer fechan o geisiadau cludiant ychwanegol rhagwelir trwy'r addasiad polisi, a disgwylir gweithredu mwyafrif o'r ceisiadau hynny trwy drefniadau cludiant presennol. Byddai'r ffi tocyn teithio yn denu incwm ychwanegol yn yr achosion hynny, felly ni ragwelir cost net ychwanegol trwy'r addasiad polisi.”

Swyddog Monitro - “Mae'r newid arfaethedig yn un cymharol fychan ac felly nid oes gennyf sylwadau i'w cynnig o safbwynt priodoldeb.”

Aelod/au Lleol – ddim yn fater lleol

# ATODIAD 1

## CYNGOR GWYNEDD

### ADRAN ADDYSG

#### POLISI CLUDIANT ÔL-16 OED (Medi 2019)

#### **1. Cyflwyniad**

- 1.1 Mae rhan 2 o Fesur Teithio gan Ddysgwyr (Cymru) 2008 yn ei gwneud hi'n ofynnol i awdurdodau lleol asesu anghenion teithio pob dysgwr sydd dan 19 oed sy'n derbyn addysg neu hyfforddiant ac sydd â chartref arferol o fewn ardal yr awdurdod.
- 1.2 Nid oes dyletswydd statudol ar awdurdod lleol i ddarparu trafndiaeth rad ac am ddim i ddysgwyr ôl-16 oed sy'n parhau gyda'u hastudiaethau mewn addysg bellach neu hyfforddiant prif ffrwd.
- 1.3 Bwriad y Cyngor yw darparu cludiant i ddysgwyr ôl-16 oed sy'n byw tair milltir neu fwy o ysgol neu goleg cymwys. Codir tâl am y cludiant hwn.
- 1.4 Bydd y Cyngor yn darparu cludiant i ddysgwyr ôl-16 oed sy'n derbyn addysg neu hyfforddiant ac sydd â chartref arferol o fewn ardal yr awdurdod. Ni fydd y Cyngor yn cyfyngu'r oed i ddysgwyr sydd dan 19 oed yn unig.
- 1.5 Bydd y Polisi newydd hwn yn dod i rym ar 1af o Fedi 2019 ac yn effeithio ar bob dysgwr sy'n cychwyn ar gwrs cymwys o'r dyddiad yma. Ni fydd y polisi yn effeithio ar ddysgwyr sydd wedi cychwyn cwrs cyn 1af o Fedi, 2019.

#### **2. Pwy sy'n gymwys ?**

- 2.1 Mae'r Polisi hwn ar gyfer dysgwyr sy'n byw yn Sir Gwynedd.
- 2.2 Bydd rhaid i'r dysgwr ddilyn cwrs / cyrsiau sydd yn y Gronfa Ddata Cymwysterau Cymeradwy yng Nghymru ( DAQW ). [Gwelir [www.daqw.org.uk](http://www.daqw.org.uk) am fanylion. ]
- 2.3 Bydd dysgwyr gydag anghenion addysgol ychwanegol yn medru manteisio ar gynllun cludo ôl-16 oed y Cyngor drwy dalu'r ffi berthnasol am gyfnod hyd at 4 blynedd o ddechrau eu tymor cyntaf

#### **3. Pellteroedd**

- 3.1 Ni fydd y Cyngor yn darparu cludiant ar gyfer dysgwyr sy'n byw llai na thair milltir o ysgol neu goleg cymwys.
- 3.2 Bydd y Cyngor yn defnyddio'r pellter a fesurwyd ganddynt o'r cartref i'r ysgol neu goleg cymwys ar Gyfundrefn Gwybodaeth Ddaearyddol (GIS) y Cyngor er mwyn darganfod y gwir bellteroedd.

#### **4. Ysgolion a safleoedd coleg perthnasol**

- 4.1 Mae'r Polisi yn berthnasol ar gyfer teithio i'r sefydliadau addysgol canlynol:

- ysgolion uwchradd a gynhelir gan Gyngor Gwynedd sy'n darparu ar gyfer Blynyddoedd 12 & 13
- ysgolion arbennig a gynhelir gan Gyngor Gwynedd sy'n darparu ar gyfer Blynyddoedd 12 & 13
- safleoedd Dolgellau, Pwllheli, Glynllifon, Menai-Bangor, Parc Menai, Llangefni a Caernarfon, Grŵp Llandrillo Menai.

- 4.2 Gellir gweld y cyrsiau sydd ar gael ym mhob un o'r sefydliadau hyn yn eu prosectai, sydd ar gael oddi wrth y sefydliadau yn uniongyrchol. Bydd ffurflen gychwynnol gofyn am fanteisio ar y rhwydwaith cludiant ôl-16 ar gael ar yr adeg y bydd dysgwyr yn ystyried eu dewisiadau o'r Cwricwlwm Lleol.
- 4.3 Yn ogystal, o dan y cynllun "seddi gweigion", bydd myfyrwyr addysg uwch ym Mhrifysgol Bangor a Safle Menai, Bangor, Grŵp Llandrillo Menai yn medru teithio ar lwybrau sy'n gwasanaethu safle Menai, Bangor, Grŵp Llandrillo Menai, ar ddiwrnodau tymor Safle Menai, Grŵp Llandrillo Menai, yn unig.

## **5. Y Rhwydwaith cludiant ôl-16 oed**

- 5.1 Oherwydd natur ddaearyddol Gwynedd, nid yw bob amser yn bosibl trefnu llwybrau cludiant i fynd heibio cartrefi pob dysgwr sy'n awyddus i deithio. Bydd angen i ddysgwyr wneud eu ffordd eu hunain i'r man codi agosaf. Gwneir pob ymdrech i gadw'r pellter hwn mor fyr â phosibl.
- 5.2 Bydd cludiant ar gael ar lwybrau penodol fydd yn arwain at y sefydliad(au) perthnasol. Hysbysir dysgwyr ar Wefan y Cyngor am yr union lwybrau a ragwelir bydd ar gael yn y mis Medi canlynol adeg cwblhau cais am le mewn ysgol neu goleg perthnasol.
- 5.3 Cyfrifoldeb dysgwyr unigol fydd cyrraedd y man codi agosaf ar un o'r llwybrau. Ni fydd y Cyngor yn darparu cludiant ychwanegol i gyrraedd unrhyw fan codi / gollwng ar un o'r llwybrau .
- 5.4 Cyfrifoldeb y darparwr cludiant yw asesu diogelwch unrhyw bwynt codi / gollwng. Bydd rhaid i ddysgwyr defnyddio'r man diogel agosaf i'w cartref.
- 5.5 Bydd y Cyngor yn adolygu'r rhwydwaith o lwybrau yn flynyddol er mwyn gwella effeithlonrwydd. Bydd unrhyw newidiadau yn hysbys cyn Gwyliau'r Pasg a dim ond yn cael eu cyflwyno ar ddechrau'r flwyddyn academaidd ddilynol.

## **6. Ffioedd**

- 6.1 Bydd un pris ar gyfer teithio ar y Rhwydwaith.
- 6.2 Trwy dalu'r pris bydd y dysgwyr yn medru teithio i unrhyw fan ar y Rhwydwaith o'u cartrefi i unrhyw sefydliad sydd wedi ei enwi ar ddiwedd y Polisi.

## **7. Ceisio am y cludiant a thalu amdano**

- 7.1 Gwerthir tocyn i ddysgwyr sy'n gymwys ar gyfer cludiant ar yr amod eu bod nhw yn derbyn y Cod Ymddygiad Wrth Deithio a thalu'r ffi gyfredol.

- 7.2 Dim ond ar ôl derbyn tâl cyfredol bydd tocyn parhaol yn cael ei ddarparu yn y tymor cyntaf yn y coleg neu ysgol. Ar ddechrau tymor cyntaf dysgwyr ôl-16 bydd cyfnod iddynt deithio heb docyn ar ddiwedd / dechrau'r daith yn amodol ar gario llythyr pwrpasol oddi wrth yr ysgol / coleg sy'n cadarnhau eu bod nhw wedi cofrestru yn yr ysgol / coleg.
- 7.3 Ar gyfer y tymhorau canlynol bydd rhaid talu am y tocyn cyn dechrau'r tymor, sef cyn 1af o Fedi (Tymor yr Hydref), 15fed o Ragfyr (Tymor y Gwanwyn), 1af o Ebrill (Tymor yr Haf).
- 7.4 Bydd llun y dysgwr sydd â hawl defnyddio'r tocyn ar bob tocyn gydag enw(au) yr ysgol/coleg a'r rhif(au) llwybrau teithio dilys.
- 7.5 Rhaid cario'r tocyn bob dydd a dylent fod ar gael i'w harchwilio gan y sawl sydd â hawl, e.e. gyrrwr bws, archwilydd bws, swyddog y Cyngor. Gellir gwrthod yr hawl teithio i ddysgwyr heb docyn yn eu meddiant ar y pryd, oni bai eu bod yn talu'r swm priodol ar gludiant cyhoeddus neu'r swm cyfredol a bennwyd gan y Cyngor ar gyfer pob siwrnai ar gludiant trwy gytundeb.
- 7.6 Codir tâl am docyn newydd oherwydd colli, torri neu ddifrod arall i docyn. Bydd y ffi'n unol â'r gyfradd gyfredol.
- 7.7 Mae pob tocyn ar gyfer defnydd un unigolyn yn unig. Bydd caniatáu i unigolyn arall defnyddio tocyn y dysgwr y talwyd amdano neu ddefnydd o docyn a dalwyd gan ddysgwr arall yn groes i'r Polisi. Bydd camddefnydd o'r math hwn yn arwain at unigol(ion) yn colli'r fraint o ddefnyddio cludiant wedi'i sybsydeiddio gan y Cyngor a'u tocyn(nau) yn cael eu tynnu yn ôl.
- 7.8 Cewch hyd i ffurflen gais am docyn ar Wefan y Cyngor.
- 7.9 Pe bai dysgwyr yn newid cwrs, neu os bydd lleoliad y cwrs yn newid, bydd rhaid cyflwyno cais o'r newydd. Bydd y ceisiadau hyn yn derbyn ystyriaeth frys.

## **8. Adegau Teithio**

- 8.1 Bydd cludiant ar gael rhwng dydd Llun a dydd Gwener yn ystod tymhorau'r ysgol/coleg perthnasol yn unig.
- 8.2 Bydd rhaid i daith i goleg neu ysgol cael ei chwblhau cyn 12:00.
- 8.3 Ni ellir teithio adref o'r coleg neu ysgol cyn 13:00. Bydd rhaid i daith adref gychwyn cyn 18:00, oni bai fod gan y dysgwr lythyr swyddogol o'r ysgol / coleg sy'n cadarnhau fod amser y wers / darlith olaf ar ddiwrnod(au) penodol yn rhwystro teithio cyn 18:00.

## **9. Math o ddarpariaeth cludiant**

- 9.1 Bydd y Cyngor yn darparu cludiant yn y dull mwyaf effeithiol a phriodol. Yn bennaf bydd y Cyngor yn trefnu defnydd o wasanaethau bws a thrên cyhoeddus.

- 9.2 Yn ogystal bydd y Cyngor yn darparu cludiant ar fysis, bysiau mini neu dacsis sydd o dan gyntdeb gyda'r Cyngor.
- 9.3 Bydd y Cyngor yn disgwyl i weithredwyr sicrhau prydlondeb eu gwasanaethau a cherbydau glân o ansawdd gyda gyrwyr sydd wedi eu hyfforddi'n bwrpasol ar gyfer natur y gwaith a'r teithwyr.

## **10. Cynllun "seddi gweigion"**

- 10.1 O dan rai amgylchiadau ni fydd pob sedd mewn cerbyd sy'n darparu cludiant dysgwyr i ysgol neu goleg yn unol â'r Polisi yn llawn. O dan y fath amgylchiadau gall dysgwyr eraill ôl-16 oed dalu i ddefnyddio un o'r seddi gweigion.
- 10.2 Y categorïau o ddysgwyr sydd dan sylw yw:
- y sawl sy'n byw llai na thair milltir o'r sefydliad addysgol
  - myfyrwyr mewn addysg uwch ym Mhrifysgol Bangor neu Safle Menai, Grŵp Llandrillo Menai.
- 10.3 Dylid cyflwyno cais am docyn sedd wag yn yr un modd â thocyn arferol. Fodd bynnag ni fydd ceisiadau yn cael eu penderfynu tan ar ôl diwrnod cyntaf Tymor yr Hydref.
- 10.4 Mae'n bosib i nifer y dysgwyr sydd â hawl i gludiant godi yn ystod unrhyw dymor academaidd, ac felly na fydd mwyach sedd wag ar gael. O dan yr amgylchiadau yma ni fydd yn bosibl i ddysgwyr yn un o'r categorïau ychwanegol uchod barhau i deithio ar y cerbyd. Yn y fath amgylchiadau bydd y Cyngor yn ad-dalu ffi lawn y dysgwyr am y tymor. Cyfrifoldeb y dysgwr unigol wedyn fydd cyrraedd y coleg neu ysgol.

## **11. Y Cod Ymddygiad**

- 11.1 Mae'r Cyngor yn cefnogi'r "Cod Ymddygiad Wrth Deithio" a baratowyd gan Lywodraeth Cynulliad Cymru. Mae'r Cod yn gosod disgwyliadau ar y dysgwr unigol, cyd-deithwyr a'r darparwyr cludiant. Gellir gweld y Cod ar Wefan y Cyngor.
- 11.2 Wrth i ddysgwyr gyflwyno cais am gludiant ôl-16 bydd yn rhaid iddynt, neu riant / gwarchodwr, ddatgan ar y ffurflen gais eu bod nhw wedi deall ac yn ymrwymo i gadw at y Cod Ymddygiad a'u bod yn ymwybodol o'r canlyniadau posib wrth dorri'r Cod.
- 11.3 Gall gweithrediad annerbyniol sy'n groes i'r Cod gan ddysgwr arwain at:
- adennill costau difrod pwrpasol gan ddysgwyr a / neu eu rhieni / gwarchodwr
  - dileu'r trefniadau teithio a gytunwyd i ddysgwr am gyfnod penodol neu amhenodol. [ Cyfrifoldeb y dysgwr fydd gwneud eu trefniadau cludiant eu hunain o dan yr amgylchiadau hyn.]
  - camau disgyblu gan yr ysgol neu goleg perthnasol
  - cyflwyno adroddiad am y digwyddiad i'r Heddlu.

## **12. Cludiant oherwydd rhesymau meddygol**

- 12.1 Oherwydd anabledd corfforol a / neu anghenion arbennig eraill bydd rhai myfyrwyr yn wynebu problemau defnyddio Rhwydwaith cludiant ôl-16 y Cyngor.
- 12.2 Mae'r Polisi'n ceisio datblygu cynhwysiant yn ogystal ag annibyniaeth pob dysgwyr. Bydd annog eu datblygiad addysgol a chymdeithasol er budd mawr i'r holl ddysgwyr, gan gynnwys gweithio tuag at deithio'n annibynnol. Bydd dysgwyr yn derbyn anogaeth i gyflawni hyn cyn gynted â phosibl a hynny, wrth reswm, mewn ymgynghoriad â'r rhieni / gwarchodwyr.
- 12.3 Bydd y Cyngor yn ceisio sicrhau fod modd i ddysgwyr gydag anawsterau teithio ddefnyddio'r cerbydau sy'n darparu'r Rhwydwaith craidd. Er mwyn ei gwneud yn haws iddynt, bydd y Cyngor yn ystyried defnydd o gerbydau gyda mynediad hawdd, addasiadau i'r manau codi / gollwng y dysgwyr, darparu cynorthwydd, datblygu cynllun cyfeillio, ymestyn cymorth pontio, ayyb. Y nod yw magu hyder ac annibyniaeth wrth deithio a fydd yn gymorth ychwanegol ar ôl gorffen cyfnod addysgol.
- 12.4 Wrth wneud penderfyniad bydd y canlynol yn cael eu cymryd i ystyriaeth cyn dyrannu cludiant arbennig i ddysgwr:
- natur anghenion arbennig y dysgwr
  - a yw'r daith arferol yn hygyrch i'r dysgwr ai peidio
  - a oes gan y dysgwr broblemau meddygol penodol, boed yn y tymor byr neu hirdymor
  - a oes gan y dysgwr anawsterau symudedd.
- 12.5 O dan rai amgylchiadau ni fydd defnydd o'r Rhwydwaith Cludiant - neu gerbyd arferol, yn bosibl. Bydd rhaid cyflwyno tystiolaeth ysgrifenedig gan arbenigwr - e.e. Ymgynghorydd Pediatriydd, o'r anawsterau personol sy'n atal dysgwyr rhag defnyddio cludiant arferol ac asesiad o allu'r dysgwyr i deithio o dan rai amgylchiadau gyda'r ffurflen gais. Bydd y Cyngor yn ystyried y dull gorau o ddarparu cludiant i'r dysgwr unigol, sef ar y Rhwydwaith craidd neu drefniant arbennig o dan rai amgylchiadau prin.
- 12.6 Adolygir anghenion dysgwyr gydag anghenion cludiant oherwydd rhesymau meddygol yn flynyddol.

## **13. Cefnogaeth ariannol i ddysgwyr**

- 13.1 Ers 2004/05 mae Llywodraeth Cynulliad Cymru wedi cynnig Lwfans Cynhaliath Addysg i ddysgwyr dros 16 oed sy'n mynychu ysgol neu goleg lleol. Y brif elfen yw lwfans wythnosol sy'n gysylltiedig â mynychu'r sefydliad addysgol ac ymdrech astudio digonol.
- 13.2 Mae'r Lwfans yn dibynnu ar incwm y cartref. Telir y Lwfans er mwyn cynorthwyo gyda chostau teithio, llyfrau ac offer wrth ddilyn cwrs mewn coleg neu ysgol ar ôl 16 oed.
- 13.4 Gall dysgwyr ddarganfod mwy am hyn ar y Wefan [www.cyllidmyfyrwrycymru.co.uk](http://www.cyllidmyfyrwrycymru.co.uk)



## **14. Newidiadau i'r Polisi a Ffioedd**

14.1 O dro i dro bydd y Cyngor yn newid ei Bolisi Cludiant ôl-16 oed. Bydd unrhyw newidiadau yn cael eu penderfynu cyn Gwyliau'r Pasg cyn dechrau'r flwyddyn academaidd ddilynol. Bydd y newidiadau yn dod i rym ar y 1af o Fedi canlynol.

14.2 Bydd y Cyngor yn adolygu eu ffioedd ar gyfer cludiant ôl-16 oed yn flynyddol. Bydd unrhyw newidiadau yn cael eu penderfynu cyn Gwyliau Pasg cyn dechrau'r flwyddyn academaidd ddilynol. Bydd y newidiadau yn dod i rym ar y 1af o Fedi canlynol.

## **15 Cwynion a sylwadau**

15.1 Dylid cyflwyno unrhyw gwynion neu sylwadau ynglŷn â'r Polisi hwn yn unol â Threfn Cwynion a Sylwadau'r Cyngor.

## **GWYBODAETH YCHWANEGOL**

Mae'r canlynol ar gael ar wefan y Cyngor : [www.gwynedd.llyw.cymru](http://www.gwynedd.llyw.cymru)

- A. Amserlenni a mapiau o'r Rhwydwaith i'r sefydliadau perthnasol
- B Y Cod Ymddygiad
- C Ffurflen gais.
- Ch Cwynion a Sylwadau

Mae manylion a ffurflen gais y Lwfans Cynhaliath Addysg a Grant Dysgu'r Cynulliad ar gael ar y Wefan [www.cyllidmyfywrcymru.co.uk](http://www.cyllidmyfywrcymru.co.uk) neu o golegau ac ysgolion unigol.

Gellir cysylltu â'r ysgolion a cholegau perthnasol fel y ganlyn :

Ysgol y Berwyn : 01678 520259

Ysgol Dyffryn Nantlle : 01286 880345

Ysgol Syr Hugh Owen : 01286 673076

Ysgol Brynrefail : 01286 672381

Ysgol Tryfan : 01248 352633

Ysgol Friars : 01248 364905

Ysgol Dyffryn Ogwen : 01248 600291

Ysgol Pendalar : 01286 672141

Ysgol Hafod Lon : 01766 772140

## Grŵp Llandrillo Menai

Dolgellau : 01341 422827

Pwllheli : 01758 701385

Glynllifon : 01286 830261

Bangor : 01248 370125

Llangefni : 01248 383348

Parc Menai : 01248 67434

Caernarfon : 01248 673450

# Asesiad Effaith Cydraddoldeb

Gweler y daflen *Sut i Wneud Asesiad Effaith Cydraddoldeb* am gymorth i lenwi'r ffurflen yma. Mae croeso hefyd i chi gysylltu gyda Delyth Williams, Swyddog Polisi a Chydraddoldeb ar, est 32708, neu [DelythGadlysWilliams@gwynedd.llyw.cymru](mailto:DelythGadlysWilliams@gwynedd.llyw.cymru), am gymorth pellach

## I Manylion

### I.1 Beth yw enw'r polisi / gwasanaeth dan sylw?

Polisi Cludiant Ôl-16

### I.2 Beth ydi pwrpas y polisi/gwasanaeth sy'n cael ei greu neu ei newid? Pa newidiadau sy'n cael eu hystyried?

Diweddarau Polisi Cludiant Ôl-16 a fyddai'n ymestyn yr oed i rai dros 19 oed gael mynediad at gludiant i ddysgwyr ôl-16 oed sy'n derbyn addysg neu hyfforddiant ac sydd â chartref arferol o fewn ardal yr awdurdod.

### I.3 Pwy sy'n gyfrifol am yr asesiad yma?

Owen Owens, Uwch Reolwr Gwasanaeth Adnoddau Addysg

### I.4 Pryd wnaethoch chi gychwyn yr asesiad? Pa fersiwn yw hwn?

6 Rhagfyr, 2018.  
Fersiwn 1af.

## 2) Gweithredu

### 2.1 Pwy yw'r partneriaid fydd yn rhaid gweithio hefo nhw i wneud yr asesiad yma?

Fforwm Defnyddwyr Cludiant Ôl-16.

### 2.2 Pa gamau ydych chi wedi ei gymryd i ymgysylltu gyda pobl hefo nodweddion cydraddoldeb?

Y mater wedi'i godi gan gynrychiolwyr Coleg Llandrillo Menai trwy gyfrwng y Fforwm Defnyddwyr Cludiant Ôl-16.

Penderfyniad wedi'i gymryd i weithredu ar gais y Coleg.

### 2.3 Beth oedd canlyniad yr ymgysylltu?

Penderfyniad i ddiweddarau Polisi Cludiant Ôl-16 a fyddai'n ymestyn yr oed i rai dros 19 oed gael mynediad at gludiant i ddysgwyr ôl-16 oed.

### 2.4 Ar sail pa dystiolaeth arall ydych chi'n gweithredu?

Ar y sail bod galw wedi'i adnabod o bod y galw yn gallu cael ei gyfarch.

### 2.5 Oes yna unrhyw fylchau yn y dystiolaeth sydd angen ei gasglu?

Na.

### 3) Adnabod yr Effaith

3.1 Beth yw'r effaith fydd y polisi/gwasanaeth newydd neu'r newidiadau yn y polisi neu wasanaeth yn ei gael ar bobl hefo nodweddion cydraddoldeb? Mae'n rhaid i'r Cyngor roi sylw dyledus i'r effaith fydd unrhyw newidiadau'n ei gael ar bobl hefo nodweddion cydraddoldeb.

<b>Nodweddion</b>	<b>Sut fath o effaith?</b> (dylech ddileu'r rhai amherthnasol)	<b>Ym mha ffordd? Beth yw'r dystiolaeth?</b>
<b>Hil (gan gynnwys cenedligrwydd)</b>	Positif / negyddol / dim	Dim.
<b>Yr iaith Gymraeg</b>	Positif / negyddol / dim	Dim.
<b>Anabledd</b>	Positif / negyddol / dim	Dim.
<b>Rhyw</b>	Positif / negyddol / dim	Dim.
<b>Oedran</b>	Positif / negyddol / dim	Positif.
<b>Cyfeiriadedd rhywiol</b>	Positif / negyddol / dim	Dim.
<b>Crefydd neu gred (neu ddiffyg cred)</b>	Positif / negyddol / dim	Dim.
<b>Ailbennu rhywedd</b>	Positif / negyddol / dim	Dim.
<b>Beichiogrwydd a mamolaeth</b>	Positif / negyddol / dim	Dim.
<b>Priodas a phartneriaeth sifil</b>	Positif / negyddol / dim	Dim.

**3.2 Ydi'r polisi neu wasanaeth yn cael effaith ar eu Dyletswyddau Cyffredinol o dan Ddeddf Cydraddoldeb 2010? Mae'n rhaid i'r Cyngor roi sylw dyledus i'r ffordd mae unrhyw newid yn effeithio'r dyletswyddau yma.**

<b>Dyletswyddau Cyffredinol y Ddeddf Cydraddoldeb</b>	<b>A yw'n cael effaith? (Dylid dileu'r rhai amherthnasol)</b>	<b>Ym mha ffordd? Beth yw'r dystiolaeth?</b>
<b>Cael gwared â cham-wahaniaethu anghyfreithlon, aflonyddu ac erledigaeth</b>	Nac ydi	
<b>Hyrwyddo cyfleoedd cyfartal</b>	Ydi	Creu cyfle cyfartal ymysg myfyrwyr ôl-16, heb gyfyngu ar oedran.
<b>Meithrin perthnasau da</b>	Nac ydi	

#### 4) Dadansoddi'r canlyniadau

##### 4.1 Ydi'r polisi felly'n debygol o gael effaith sylweddol, bositif ar unrhyw un o'r nodweddion cydraddoldeb neu'r Ddyletswydd Gyffredinol a beth yw'r rheswm am hyn?

Ydy, ar fyfyrwyr dros 19 oed sydd angen cludiant i fynychu eu haddysg.

##### 4.2 Ydi'r polisi felly'n debygol o gael effaith sylweddol, negyddol ar unrhyw un o'r nodweddion cydraddoldeb neu'r Ddyletswydd Gyffredinol a beth yw'r rheswm am hyn?

Nac ydi.

##### 4.3 Beth ddylid ei wneud?

Dewisiwch un o'r canlynol:

Parhau gyda'r polisi / gwasanaeth gan ei fod yn gadarn	la
Addasu'r polisi i ddileu unrhyw rwystrau	
Atal a dileu'r polisi gan fod yr effeithiau niweidiol yn rhy fawr	
Parhau a'r polisi oherwydd gellir cyfiawnhau unrhyw effaith niweidiol	

##### 4.4 Pa gamau fyddwch chi'n gymryd i leihau neu liniaru unrhyw effeithiau negyddol?

Does dim effeithiau negyddol wedi'u hadnabod.

**4.5 Os nad ydych yn gweithredu ymhellach i ddileu neu leihau effeithiau negyddol, esboniwch pam yma.**

Dim yn berthnasol.

**5) Monitro**

**5.1 Pa gamau fyddwch chi'n gymryd i fonitro effaith ac effeithiolrwydd y polisi neu wasanaeth (cynllun gweithredu)?**

Fe fydd yn rhan annatod o drefn fonitro'r gwasanaeth.